

聖



卷上目錄

詞

嘉慶生祠

姑蘇遺愛

七邑春生

三江波靜

送邑侯詞

湄憲獎詞

壽詞

邑侯憲獎

學師臺獎

學師遷教國學

縣佐部獎

邑侯臺獎

邑侯入覲

邑侯憲獎

子虛邀看海棠



詞

嘉定生祠

滿江紅

共說郎星照吳分果然良牧看政事通和公庭雅肅  
春風滿院落花深何處彈棋驚睡鹿更消閒架上有  
牙籤抽來讀彭澤柳重新綠單父琴于今續向徂  
徂新甫取材攸淑一朝佐就萬年基奚斯謾把章程  
促試問春秋蕭々尊祖羞山籟

姑蘇遺愛

臨江仙



画戟森森：天宇净，隨車膏雨生。香漁易去，後倍凄凉。  
桑枝麥穗，且喜見，循良一封。鳳詔來，丹闕褒聲。  
沸湧西閭，謾勞老稚，訝牽裳清風郊野。鎮日倚甘棠。  
七邑春生。

玉樓春

從古揚州稱沃地，甫田倬々無偏。彼短狐鼯鼠巢窟。  
深日暗窳，簷隨新淚。取供惟正，惕淵思于理，于疆。  
試芒剝，轟然雷雨洗天來。細草生香，亦陰翳。

三江波靜

謁金門

江渺々浪捲長風暗，春曉萑苻深處，隱鯨鯢蠢向昆。  
明擾，遙見蔽川旗旒，等閒把渠魁。勅儒生撰取平。  
淮頌擬上重雲表。

送邑侯詞

喜遷鶯

名駒千里正曉日天衢，蕩然如砥。職重分符，才餘製  
錦，美譽芳聲四起。春風桃李成谿，夜月絃歌盈耳。謾  
推先那画棟，懸魚野田馴雉。且喜連宵裏，光動郎  
星，忽覩徵賢。旨宰相無勞度支，有倚管取太倉多。



序心存萬姓膏脂寵渥一時金紫齊唱采道 王國  
佳楨召公賢似

賀憲獎詞

喜遷鶯

花香馥郁正春滿河陽光生比屋吐鳳文魁翔鸞牧  
首綰綬暫臨江國靈秀遙鍾北嶺聲華大被南服堪  
羨處是六簡民安琴調書讀 聽告願一朝敷奏承  
明徧作蒼生福細雨千家祥雲萬朵還取絃歌舊躅  
試問前途風彩齊賀蘭臺政肅千百歲誦神君保似  
山青水綠

壽詞

滿庭芳

籬菊分金江梅孕玉霜華染就楓裳小春時月端的  
是稱良且喜人逢初度弧南起萬丈祥光盡說道太  
平有象壽曆三隆昌 小堂開綺席香生寶鼎酒泛  
霞觴看膝前拜舞齊祝無疆更有天倫兄弟相酬勸  
樂意洋洋這歡娛百年難幾儘醉却何妨

邑侯憲獎

青玉案



秋空淨洗瑤光繞正此夜即星照渥水名駒人見少  
宣風百里謳歌載道有日還熙皞 賢評到處精神  
好看美錦裁成民共祿從教取最中書考寵沐緋袍  
香生土壘賜對延英早

學師臺獎

臨江仙

昨夜奎光纏紫極高堂絳帳生香三千禮樂謾趨蹌  
策成新綠耳磨出舊干將 看取聲名山斗重烏臺  
遠為褒揚只今飛 詔鄭公鄉采芹風且穆視草日  
應長

學師遷教國學

謁金門

春雨淑熙澤江南花木洒向上林還霖霖佇看秋氣  
郁 山斗芳聲藉上 不數明珠萬斛霜華共仰蘭臺  
肅佳期須可卜

縣佐部獎

鳳凰臺上憶吹簫

涼沁金風香飄玉桂任教心爽秋清更花封報政粉  
署推名可喜高標雅操一時間遍滿瑤京須信似黃



龍映彩丹鳳鳴聲  
休驚這前程也似無休雙陸取  
次崢嶸想除書到日  
焚促車迎且盡樽前旨酒聽美  
人何處吹笙吹笙罷從今又添一段離情

邑侯臺獎

滿江紅

共說郎星照只分果然良牧看政事更新人心輯服  
春風滿院落花深何處彈碁驚睡鹿更消閒萬卷鄴  
侯書抽來讀彭澤柳重新綠單父琴于今續正朱  
衣白簡舉賢旌淑瑤觴行處沸笙歌更籌漫向銅壺

促試望

雲端

賜環指日何須卜

邑侯入覲

謁金門

開祖席紅葉白雲山驛天外翩雙彩翼日斷王喬  
鳥玉陛森嚴咫尺仙仗光搖琥珀  
聖主理人方  
試策取最聲華籍

邑侯憲獎

青玉案

秋空一湛光逾掃共仰見郎星杲四鄙君看誰再造  
刁斗無聞告成萬寶指日還熙皞  
鴻飛中澤鳴聲



好始信道蒼生天未天從教取最中書考寵渥緋袍  
香生玉璽賜對延英早

子虛邀看海棠

黃鶯兒

微雨暈晨光歛霞裾曳碧裳朱唇半啟人爭賞西施  
未粧場妃再觴好似麗華嬌舞臨春上合蘊奇芳天  
然一種輕薄麝蘭香

卷上目錄

書東

答余吉甫

答秦麓呂師

寄王永岩

與齊之昆仲

答劉蒙山

與景言弟

答張子宜

致望虞兄

報小川孫兄

報怡疇顧丈

答竹塘陳師

報葛養子

寄思岩兄

再寄望虞兄

答半秋熊師

再答熊師

答景言弟

答查重甫



與李虞井

東文峰老師

三報熊師

答齊之孫子

報見川戚師

四報熊師

答王冶堂

書東

答余吉甫

僕聞之六之道不患遠患於心之不親不患踈患於  
契之不深心莫是親契莫是深則雖地限千里越數  
歲而一見猶之為朝夕里閭者而奚踈且遠之足嫌  
耶足下始與僕遇於鄉閭不過數言於通問而已當  
時非有禮儀幣帛之六恭敬揖讓之節從容款洽之  
雅而足下遂以僕為可交僕亦信然自許而不以為



僭嗣是而更三年而繼見如初日又更三年而繼見  
如初日至於今愈久而意益以篤古所謂傾蓋如故  
者僕於足下見之矣然則信非地之遠迹之踈者可  
得而間也僕顧何以得此於足下哉雖然交之道難  
於情尤難於益益蓋友道之不可一日缺焉者也故  
麗澤兌君子以之昨足下來教曰心益裕氣益昌見  
益大乃知足下之所自養與夫引入而入之善也亦  
倦之矣蓋士之所養非止於一曲也求可大也又非  
止於一時也求可久也使不裕吾心以俟之昌吾氣  
以主之大吾見以容之而徒規之於遲速得喪之間  
則天下許大學問何所承載後來許大事業何所發  
揮已不是任重道遠的氣象其於學也為或在或在  
已耳於事也為患得患失已耳又奚足語於君子之  
道哉足下與僕凡幾試之每不集此豈天之棄予如  
遺耶此豈有司者之惡德惡於其間耶要亦自任其  
咎可也昔昌黎韓子謂衆人之進未始不為退而予



之退未始不為進今足下與僕之所處無乃非云々  
也乎如以為云々也云々可以自失其機乎而可以過  
為之戚乎足下高稟明識於此固洞然者而僕猶沾  
沾焉動其喙誠亦偶有鬱於中遇同志必盡發之無  
留恨也足下其亦以為迂耶其不以為迂耶杜山來  
知足下宦郡城誼當奔走祇謁緣賤體未可勿藥尚  
爾濡滯倘得移節下邑聚首於楓林雲岫之間亦望  
外之一大快也何如何如書物之惠兼見遠情尚容  
趨復不既

答秦麓呂師

儒不材叨廁門末一時知遇之隆眷愛之過於恤之  
至固有非口說之所能盡者竊以為終身依歸端有  
在矣亦幾有命自天文駕之北此固濡之所不能為  
情而亦二三子之所同切者也吳門之別情以義裁  
豈私心之所得盡者哉或登堂而感或入閣而思或  
共聚而嗟或獨居而念哀情耿耿道範如見蓋不自  
知其心之何如也北來人有歸者訊得佳問輒更相



慰籍乃知大道之行當與天下為公而不當以一邑私耳尊師廉操益堅步聲懋著明歲大擢無疑矣得趨拜南臺豈勝忻忻近接手教且承令即道兄遠顧殊出望外何止為百朋之賜而已但副封所云有不能不為尊師道之者蓋天下之至不可欺者人之心而其至不可強者人心之愛慕也尊師之在敝邑春風和氣近人而忠莊敬溫文私毫不犯自明道以來稱賢愚得益者一人而已固不特及門之士知愛慕之雖遠近士大夫亦無不愛慕之者夫彼猶賢而知者若閭巷之人非有朝夕左右之素亦至今頌之不棄則豈為致私媚於尊師也哉顧盛德所被有不可誣者不來教猶以為云々信謙德而固然耶抑忌者之有以惑之也儒受愛於門下不淺使有之既不能彌縫辨什於其先比來教所及乃徒以浮浪之詞給之則亦天之所宜深罰者矣止為尊師之罪人而已哉千里而談悠々不盡人心公論白日青天尊師要



亦自信焉可也閣中之會去歲亦嘗嗣舉今春儒以  
遠處鄉館諸友亦多不濟遂成曠典緬懷德訓無任  
悚惶歲屬薦飢人事寥落所可為尊師道者惟不敢  
自棄而已辱念及敢畫布如左臨楮北望不覺涕零  
餘情種、當圖嗣上

寄王水巖

吳門抗手情志云祖所緣交以青雲冀諧夙志是故  
不難於別耳既而先生頗重別人之嗟賤子亦多中  
酒之惡長歔掩袂知彼此之無暫忘也月出皎、風  
雨蕭、茲其覲瘡之深者乎側聞謁選在即夫懷結  
綠者宜億其償然不遠名都則困諸三家之市而已  
有識之士共為惜之而况知愛之深者哉索居深念  
輾轉為勞因時便風敢布一二



與齊之昆仲

僕性鄙陋不能通時<sub>乎</sub>生辛苦自守不敢少縱恣者  
恐以不肖之身負一時遭際耳乃今再進再蹶不得  
越局一步稍自表<sub>見</sub>命也至此為之奈何知我悉我  
敢為道之伯仲高稟厚蓄奉親之暇即肆志文學乘  
時奮庸<sub>結</sub>有餘步比之卑伏轅下者顧何如耶勉之  
無緩芳駕

答劉蒙山

不見叔度企仰日勤頃接手教如承末論緬惟吾兄  
與朗之資子諒之德且推情體下不欲以法盡人新  
都一歎大為福星所照矣慶何如之他日推此以濟  
天下何物不在春室中耶敬羨<sub>々</sub>問有尊嫂之變  
悼亡諸篇益增伉儷之重者想賢嗣在堂令女當室  
差可一遣發耳毋重快<sub>々</sub>別後倭寇肆虐痛不忍言  
繼以夏秋之旱禾稼不登以收入之通計之或可僅



得其半方今小寇嘯集村落中稍自給者即無寧寢  
且松江報云倭夷萬人散略其地駭々有窺吳之志  
矣奈何々々兄高飛遠舉不復與此憂恤天相可知  
然桑梓之地諒有不能忘情者敢布及之

與景言弟

曩分袂時自謂弟與兄皆處困極天其可以昇矜之  
矣既而兄之敗北猶吾弟之圖南不成天不於吾輩  
昇矜而復於何如人昇矜耶此見命數之薄雖天亦  
不能使之厚也南消息至此甚遲望前一日始得見  
名氏一小帙向來所懸々於弟者至此索然々弟去  
步尚寬不過晚時月耳兄則已矣無可望矣切怪眠  
食曾不損肢體漸癯意者樊中之治理固然者不足



為弟介念也兒軍書來云弟有外母之變且云不得  
少盡一二媿悚々々二兒累弟心甚不安近又聞溷  
擾陸氏何以得此

答張子宜

奉別至此猶然借城背一以無負先人教誨不謂駘  
駕既甚終然轅下而止學也不力命何尤哉而今而  
後知所安已足下潛心大業養厚蓄深旋當奮翼冲  
舉羽儀天朝豈復能化々倪々作循常守轍事耶敬  
望敬望尊公動定康適壽祉未涯此又進修之一助  
也僕忝烟末豈勝贊言家本清素頗無掛懷惟是大  
兒之鹵莽二兒之不知力學日有所耿々耳足下垂



念不穀時賜訓策尤見雅愛

致望虞兄

弟之不得志於場屋者屢矣然而不敢自棄焉冀欲  
收桑榆之功於一日也何圖才不濟於用學不適於  
時終然見斥遂使平生之所欲自效者不展一籌此  
豈他人之所能知哉惟兄為知我耳言之可為長歎  
因念窮通有命人不容強丈夫處世亦當順時取樂  
自適已志攷之然一生無益也又念兄年老家事既  
充裕正宜寶精神省思慮謝去家政受子婦安養優



游園林以全享至樂此上計也安得復營。如往日  
耶且兄自量父母能終保其子孫者幾人兄弟能不  
分異者幾人不分異而能無言無爭者幾人兄弟有  
爭父母能自安者幾人為今之計正宜擇膏腴田若  
干畝為老夫婦自贍之具其餘家業並可付之二子  
以觀其所設施有不當者吾得而調劑之董正之  
不幸而至於爭吾可為之訓勵之辨析之如論田則  
曰某田吾以重價得之某今以授其者以某有輕田  
若干可相稱也某田吾以輕價得之某今以授某者  
以某有重田若干可相稱也至於某基屋某器什皆  
然是一言之間即可以消其心之所不平撤其見之  
所未至較諸父母棄養被兄弟各以意見相爭執者  
何如哉如哉爭執不已必至於相構訟相傾覆者又何  
如哉弟所以欲急於處二姪者此也且兩姪嘗小有  
言兄亦為我言之矣夫其有言者不過田畝基屋器  
什諸事時有干涉耳兄不即此時為之料理顧使之



藏怒宿怨以終失兄弟之好耶余謂早得一日分便是早全得一分好處因循不斷釀禍將來非見幾識時者之所為也弟平日家居讀書論文之外惟焚香煮茗二事稍一經忘門外事絕無所與而獨於兩姪分事言之再三何哉誠不忍同宗子姓自相魚肉外人因之而生事耳兄尚可不以余言為然耶目今水東將歸外之親無踰於彼昆玉內之長無踰於思岩兄便可擇一吉日告之祖宗置空名文書一樣二本於前任兩姪各取其一然後即其所取從衆署名是於一日之中了百年不盡之憂也兄何憚而不亟為此乎釋此不為後難圖已誼在手足休戚相關乃不盡言至此唯體亮之



報小川孫兄

接兒輩書及拜使惠之辱知德意章々也遠不遺遠  
近不遺近獲落不偶之人其將何以承之耶徒悚仄  
無地耳弟孤館子身安食無所事々不免復借遣殘  
書螢燭對之亦愧彼亦愧我多矣奈何々北地之  
虜塵江南之倭警今歲且幸無事倘明歲如之非遠  
中之幸乎舜泉相見深惟糧事為憂而幸支使為可  
頽今成事而歸亦福庇之所及也慶忭々々

報怡疇顧丈

外辱遠餞兼以至情不一自非骨肉何以得此到京  
卽奔走碌々不能遽為裁報罪歉々々家書來輒知  
台宅康勝殊慰企想吾兄勤身務善裁之暇即能  
以餘功化誨鄉閭比百內政吾妹且贊襄之天倫之  
樂何假外求如弟才本樗散且乏見幾之明終不免  
於匠石之所詆斥此自取也夫復何尤獨念先父母  
恩勤教育謂吾或可以慰其望乃今竟止於此更不



得少報一二以是為有遺責耳奈何

答竹塘陳師

儒者本庸下重以偷惰成習遂至侵尋歲月濩落以  
終其身有負玉成之德期望之心罪萬不足贖也然  
居間自遣因思櫟社之樹苟匠石不顧而去人猶以  
為木耳不幸當左右之問然後某不可以為某用某  
不可以為某用匠石悉數而陳之人是以不惟不暇  
惜而且重加惡焉人之材能上不足以歆為當世下  
之無益於成敗即淪沒不試以無遭於匠石之所詬



言不大幸哉若某者誠幸甚矣且樹花飄落拂簾墜  
席取數多者為之何能章之較一徒自煩苦而今而  
後知所安已側聞師尊謝絕塵鞅重關著書出則與  
隼列下上議論八則抱麟兒以撫育之性真之樂無  
踰於此忻暢之。家弟孝甫身圖不遂而家累日益  
煩固師尊之所動心者敢為及之儒無謬已甚育菴  
兄以故人之情過以館事相延日惟抱愧而已某兄  
來拜書儀之辱附此為謝

與王汝立

分攜三季懷想依依入京來即奔走羈鞅此月甫定  
乃知真轅下物矣可笑。不敢為他人道也吾弟  
篤志精學便當激昂青雲今秋暫亦伏期令人慨然  
然進有餘步不過稍晚時月耳何足介。育菴談間  
每及盛德邑宰公之補必於新科取之且難其所  
以遲。未決也俟有之當為布悉前意



報葛養子

奉別將改歲矣日月驚過憮然驚心秋中准擬高擢  
以慰鄉邦聯璧之仰何圖結志承權暫佇冲舉豈惟  
念身為失所望雖僕輩亦有不能什然者日者又聞  
有令之悲造物苦人何至是耶然學問受用處正  
在於此幸毋過為戚促以傷雅抱

寄思巖兄

每接家中書知吾兄舊恙時作之後即康勝照常近  
二兄書來謂兄稍覺憊倦意者隆冬盛寒固老人之  
所不交也兄唯無動氣無勞形無與閒事優游暮景  
保此天和永為一族之所推仰此至望也况有賢子  
以持其家又何必自取不適為哉弟處此不覺改歲  
小就或試後可選燕學謫材固所宜耳獨負先人教  
誨每一念至不能不面赤汗背也兄親且尊敢道及



之

再寄望虞兄

水東來道兄嫂動定康吉殊慰遠懷且辱手教示及  
知兩姪分事已定此家門之福也忻慰倍萬雖然家  
可分也義不可分也兩姪本一父母所生無少間異  
自宜同心共濟思尔令業不為浮言之所搖惑不為  
小兒之所蒙蔽庶幾無負於付託之重耳不然即釁  
端內作外人之環視竊聽以幸其及者豈少乎哉可  
畏可畏嘗記錢竹梧往時集邑中名士六七人與承



湖會文會後復留連二三日乃歸見其基業之厚享  
用之豐與夫經營措置之所周密自謂安如磐石百  
世可保後來遭兄弟之變不三四年蕩廢殆盡近與  
吳淞夜談猶共發一嘆而止斯事不遠足為明鑒惟  
兩姪念之念之六抵大姪才智優於三姪自當推其  
有餘輔所不逮勿謂形迹既判了無相關譬如一樹  
同根兩枝並發左者受病右者亦豈必盡榮何如相  
為保護各遂其天之愈也弟性庸腐本無他長惟成  
人之美一節自謂可許故拳拳於兩姪之望如此吾  
兄其亦以為然乎



答查重甫

真間辱手教遠貺情至禮恭何以當此且知省候既還便可肆志文學忻羨々僕始來京猶有不安伏櫪之意既而駑駘已甚終然見斥此豈必路人笑之僕亦自笑多矣自來試事已定所冀作者惟候選一事耳餘無慕也尊公聲望隆赫行當為天下出色比之垂翅鹽車者顧何如耶景言又復躓蹶憂彼之情甚於憂己居間可時過一慰藉之

答半秋熊師

拜違道範倏逾三時山斗之懷靡日不切緬惟德業茂弘動定康協日與諸友講論一堂名教之樂何陽陽也儒身在羈旅動與時違邇者亦嘗再廁秋試誠願矯志伏櫪望風一鳴何圖駑駘既甚終然見斥學也宜之命何尤哉言之遙增愧師門焉耳恐懼々曩者款遇之隆贍貺之腆禮逾情至感佩何極質本庸下兼以春來多病竟成棄才遠中念之輒



洽日不憚惟振勵之萬荷

再答熊師

儒分淺不得久侍師門辱夫子推以至情寵以殊遇  
眷言及此知傾蓋如故古人有之如儒者何以得此  
於夫子也既感既懼莫能為心比入京來又辱夫子  
計悉豚兒恩施不直每讀家書未嘗不服膺高誼復  
自傷已之不能樹立以至於有今日如此蓋自結髮  
讀書即奮然欲以功名自致視世之齷齪於刀圭之  
末以苟營其家者不啻枘鑿何圖先業傾圮之餘而



又承之以濶略之弊遂至一身多難蹶不可支迨去  
秋則三十年皇、未絕之思一朝盡決矣家計身圖  
謂之何哉當是時也儒雖不敢不安之命而人之笑  
褚公以至齒冷者不知其幾也落莫之懷無可告語  
夫子骨肉相親敢為道之

答景言弟

前片中接南橋所附書讀之如獲面談且忻南橋之  
語亦去久而思滋深之意也承示兩費之繁奚待弟  
言先固計之審夫竊念士當未遇惟清約二字最為  
得益謂治心治身無大累耳吾弟高懷曠度得無少  
所迫乎然而求三年之艾者繼自今可也弟與兄誼  
在手足吐布腹心惟弟其諒之兒輩性資庸下問學  
無方於性理一書茫無省着得開示一二真大造之



恩也

與季虞并

久別無任懷仰向來歲月自謂於學中消磨盡矣不謂京師亦消磨未盡之處也青年利進豈宜知此風味耶且久聞此事可省經營今則非憑大勢及厚有力者不能如意况視能用此勢力者吾輩中幾何人耶以是知蜀道之難未必盡難此固一蜀道耳奈何奈何



東文峰施老師

僑啟儒惟拜違倏爾亞歲云徂懷仰之心猶一日也  
吾師道德彌崇動定加勝鄉邦典刑咸所賴之豈儒  
一人之私慶而已哉且仰峰諸兄樹學績文伯仲師  
友行將聯輝南服使海內知謝庭之多玉樹者信有  
在矣欽羨々々儒負教育不能越局一步終然轅下  
而止既愧且懼莫能自容苟就之期或來月可望當  
伏謁門下并謝不敏

三報熊師

前有東達左右想徹台覽矣出門後辱老師惠顧勤  
勤二天之仰不是過也近得推滌之報且喜且悼者  
泯日以老師之宏材碩學固非一隅所淹但時尚可  
一二年而奪之乃遽以是不能不耿耿然耳金衛去  
松江七十里而近城且完固學士之及門者可二百  
四五十人居皆散漫平時所往來者多城中人也老  
師此行惟禮其來而體其所以不得來則人心得矣



若夫山斗之望風月之懷所至大夫士且知傾心者  
即武弁諸公而寧不望風蒲伏也耶彼序有二友在  
京儒詢之乃得其概輒敢奉聞儒賴仁庇某日得與  
點選之列地方頗一圖之然終不敢據他人著爐火  
上也時事可畏難於盡言旨下只在一二日間矣當  
圖嗣報誠得南就潦倒可期風便草々

答齊之孫子

別吾子來只成就得箇終身學究而已功名至此可  
為拊心每思蕭竟陵之言深用嘆服夫非有箇襦簾  
幌之遇而妄意於箇襦簾幌者祇自戚耳辱吾子誨  
慰諄々情逾骨肉僕安敢謂時不見用即潦倒忘檢  
耶大抵人之得志急於成君其不得志知吾身之可  
成耳身苟不成其謂我何此固僕之素所自審者誠  
不待今日而始定也吾子蓄積甚深趨向甚正清時



之選豈或過之。更冀蚤夜策勵與令兄頡頏天衢以  
成尊公晚景之娛使其平生之所高志雅度得章  
表見僕也故人能不與有光寵乎羈愁塊處興志索  
然唯感時撫物間或一吟、實非所好也輒具別楮以  
博一粲并祈教正萬荷

報見川戚師

儒庸陋不足比數不得久侍教誨然比之未緣及門  
者已竊自幸近荷尊庇叨冒東陽比於門牆雖不得  
瞻依朝夕系梓之地不將厚育芬蔭乎距躍之喜何  
止三百歸時當一一請教庶幾可以寡過耳去冬有  
東達左右想已徹覽兒辱清盼感佩不忘代秋翁  
者為化野丘公安雅之度示人易從亦老師之所欲  
聞也敢遂及之



四報熊師

往侍教下聞東陽雅亦稱善當時迂僻成性自謂冷  
官閑局得於山水佳處了事是一事也至於自潤之  
策竟未請悉近荷尊庇得叨冒於彼諸凡詳細老師  
惟一聞示以見終始盛德儒不敢忘歸時計文旆  
已發責任與故地相鄰壤自可買舟東下且賀且謝  
也人生聚散真同飄梗昔人謂樂莫樂於相知苦莫  
苦於別離誦之不覺飲泣老師或有以諒此矣

答王冶堂

久別無任馳仰屢拜書儀之辱珍重  
動定康吉譽聞日隆出則與諸豪俊談論道德入則  
流連詩酒以答清燕即此適志多已何取於高爵大  
位日競於羈鞅為哉且遂安多山水之勝此又高  
親之一助也弟本庸謬不足為時用然迂疎成性兄  
所素知則今日之幸廁閒局者未必非天之意也但  
未知得伊邇貴任握手一話衷曲否倘得如願奈此



邂逅何守愚公與皂回便輒爾附啟





